

TUSAGASSIUUTITIGUT NALUNAARUT

Nuuk – 20. Oktober 2025

Suleqatigisartagaq nukittoq ataaseq: Arctic Print-ip aamma AV Greenland-ip nukiit kattutilerpaat

Arctic Print ApS-ip aamma AV Greenland ApS-ip kattullutik aammalu ingerlaannartumik atuutilersumik suliffeqarfik nutaaq ataatsimoortoq pilersillugu, ullumi nalunaarutigaa. Kattunnermi sullitat ataatsimoortitanik aaqqiissutissanik suli amerlanerusunik neqeroorfigisinnaanarlugit, pappialanut nuutitsisarnernup naqitanngortitsisarnerrullu iluanni, kiisalu av-nut atortunik eventsupport-inillu suliaqartut nukittuut marluk ataatsimuulersinneqarput.

Arctic Print Solutions

Ingerlatseqatigiiffik nutaaq, ateqalersoq Arctic Print Solutions, ingerlatseqatigiiffiup Arctic Print Aps-ip, AV Greenland ApS-ip ingerlataannik unitsinneqartunik pisisup, qaavani pilersinneqarpoq. Arctic Print Solutions-ip taamaalilluni siunissami suliffeqarfiit marluk taakkua ataatsimoorlutik nukittuffii ukiorpassuarnilu Kalaallit Nunaanni niuerfinni misilittagai atorluarniarpai. Siunnerfigineqarpoq Kalaallit Nunaat tamakkerlugu pappialanut nuutitsisarnernup naqitanngortitsisarnerrullu, isigaluni attaveqaqatigiinnerup aammalu eventteknikkut iluanni tamakkiisumik pilersuisuni siuttunngornissaq.

Pisortaaq Klaus K. Poulsen oqarpoq “Sanileriilluta suliffeqarfiup iluani allaffeqarsimavugut aammalu suliffeqarfitta ineriartornerat isigisimallugu. Maannakkut ataatsimuulerpugut, tassami takusinnaagatsigu ataatsimoorluta sukkannerusumik nukittunerullutalu ineriartorsinnaalluta. Niuerfimmi nukittunerulissaagut, taamaalilluta siuariartornissamut piareersarsinnaanerulissalluta. Sinerissami najuunnerput sullissinerpullu atorluassavarput, taamaalilluni AV-inik aamma pappialanut nuutitsisarnerni naqitanngortitsisarnermilu sullitagut nunarput tamakkerlugu pitsaasumik sullinneqarsinnaassallutik. Nukittuffigut atorluarpagut – tamanna sunneeqatigiissitsineruvoq pitsaasoq!”

Ataatsimoorluni nukittuneruneq: Sullitanut iluaqutissartaasut

Kattunneq ingerlatsinerup akimmisaarfeqannginnissaanik sunniuteqarluarnissaanillu aammalu sullitanut naleqarnerulersitsinissamik kissaateqarnermeersuuvoq. Arctic Print aamma AV Greenland illumi ataatsimi ataatsimooreermata, immikkut ilisimasat isumalluutillu ataatsimuulersinnissaat

ajornaatsuaasussaavoq aammalu Arctic Print Solutions siunissami sunniuteqarluartunik, nutaaliorfiusunik ataqatigiittunillu aaqqiissutissanik sulii amerlanerusunik pilersuliinnartussaavoq, kiisalu tuniniaaneq sullissinerlu nukittorsaannartussaallugit.

”Piginnaasaqarfitta kattunnissaat annertuumik periarfissaqarluartoq takusimavarput,” oqarpoq Tuniniaanermut pisortaq Ricco Risager Nielsen, ”Suliffeqarfittut ataasiinnartut maannakkut ’one-stop-shop’-imik misigisaqartitsinissaq neqeroorutigisinnaalerparput, naqitanngortitsisarnerit pappialanullu nuutitsisarnerit aammalu skærmi atorlugu aaqqiissutissat anginerpaat event-iliornerillu iluanni pisariaqartitaminnik pissarsisinnaanissaat sullitatsinnut malunnaatilimmik ajornannginnerulersitsisumik.”

Ricco Risager Nielsen nangippoq: ”Sullitap nutaamik allaffittaarnera apeqqutaatinagu isigaluni ataatsimiinnissaq imaluunniit ataatsimeersuarnermik annertuumik aaqqissuussinissaq qulakkiissavarput, taamaalillutik taakkua akimmisaarfeqassanatik pikkorissuseqarluinnartumillu aaqqiivigineqassallutik. Kattunneq siunissami pitsaanerpaamik siuariartornissaq sullissinissarlu qulakkeerniarlugit uagutsinnut pissusissamisoortumik alloriarneruvoq.”

Siunissami ukkatarineqartussaq aqutsisoqarnerlu

Arctic Print Solutions-ip Nuummi qullersaqarfeqarluni najukkamiinnini attatiinnassavaa aammalu nunarput tamakkerlugu sullissiinnassalluni.

Aqutsisut ajornartorsiutitaqanngitsumik ikaarsaartitsinissaq tunniusimaffigaat, tassani sullitat sullinneqarnerat pilersorneqarnerallu kipitinneqarani ingerlaannassalluni. Arctic Print-imi aamma AV Greenland-imi sulisut tamarmik ingerlatseqatigiiffimmi nutaami suliiinnassapput, tamatumanilu ilisimasat iluatinnaatillit inuttullu atassuteqarnerit attatiinnarnissaat qulakkeerneqarpoq.

Suliffeqarfimmi qaammatini aggersuni periaatsit ataatsimuulersinnissaat aammalu tunisassiat allassimaffiannik nutaamik ataatsimoortumik saqqummiinissaq, ukkatarineqassapput. Nittartagaq nutaaq ineriartortinneqaleruttorpoq aammalu suliffeqarfiup suleqatiginerani allannguuteqartoqassanersoq pillugu, sullitat paasissutissiivigineqassapput.

Tusagassiortut attaveqarfissaat

Klaus K. Poulsen, Oqarasuaat 38 80 11, kkp@arcticprint.gl.